

siæ Géntium) et domésticam Ecclésiam eórum.

**R.** Hódie in Jordáne baptizáto Dómino aperti sunt cœli, et sicut colúmba super eum Spíritus mansit, et vox Patris intónuit : \* Hic est Fílius meus diléctus, in quo mihi bene complácui. **V.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est Fílius meus diléctus, in quo mihi bene complácui.

### Lectio ij.

**R**ogo autem vos, fratres, ut observétis eos, qui dissensiōnes et offendícula præter doctrinā, quam vos didicistis, fáciunt ; et declinátē ab illis. Hujuscemodi enim Christo Dómino nostro non sérviant, sed suo ventri : et per dulces sermónes, et benedictiōnes sedúcunt corda innocéntium. Vesta enim obediéntia in omnem locum divulgáta est. Gáudeo ígitur in vobis. Sed volo vos sapién-

tes esse in bono, et símplices in malo.

**R.** In colúmbæ spécie Spíritus sanctus visus est, patérrna vox audíta est : \* Hic est Fílius meus diléctus, in quo mihi bene complácui. **V.** Cœli aperti sunt super eum, et vox Patris intónuit. Hic est Fílius meus diléctus, in quo mihi bene complácui.

### Lectio iij.

**S**ALUTAT vos Timótheus adjútor meus, et Lúcius, et Jason, et Sosípater cognáti mei. Salútate vos ego Tértius, qui scripsi epístolam, in Dómino. Salútate vos Cajus hospes meus, et univérsa Ecclésia. Salútate vos Erástus arcarius civitatis, et Quartus, frater. Grátia Dómini nostri Jesu Christi cum ómnibus vobis. Amen.

**R.** Reges Tharsis et ínsulæ múnera ófferent : \* Reges Arábum et Saba dona Dómino Deo addúcent. **V.** Omnes de Saba vé-

nient, aurum et thus deferentes. Reges Arabum et Saba dona Dómino Deo addúcent. Glória Patri, et Fílio, et Spirítui sancto. Reges Arabum et Saba dona Dómino Deo addúcent.

## IN II. NOCTURNO.

Sermo sancti Leónis Papæ.

## Lectio iv.

*Serm. 4. de Epiphania.*

JUSTUM et rationabile, dilectissimi, veræ pietatis obséquium est, in diébus, qui divinæ ópera misericordiæ protestántur, toto corde gaudére, et honorífice ea, quæ ad salútem nostram gesta sunt celebráre, vocánte nos ad hanc devotíonem ipsa recurréntium témporum lege, quæ nobis post diem, in quo coetérnus Patri Fílius Dei natus ex Vírgine est, brevi intervállo Epiphaniæ intulit festum ex apparitióne Dómini consecrátum.

**B.** Illumináre, illumináre, Je-rúsalem, quia venit lux tua : \*Et

glória Dómini super te orta est.  
**F.** Et ambulábunt gentes in lúmine tuo, et reges in splendóre ortus tui. Et glória Dómini super te orta est.

## Lectio v.

**I**n quo fidei nostræ magnum præsídium providéntia divína constituit : ut dum solémni veneratióne recólitur adoráta in exórdiis suis Salvatóris infántia, per ipsa originália documénta probarétur veri hóminis in Christo orta natúra. Hoc enim est, quod justificat ímpios : hoc est, quod ex peccatóribus facit sanctos, si in uno eodémque Dómino nostro Jesu Christo et vera Déitas, et vera credátur humánitas : Déitas, qua ante ómnia sæcula in forma Dei æquális est Patri : humánitas, qua novíssimis diébus in forma servi unitus est hómini.

**B.** Omnes de Saba vénient, aurum et thus deferentes, et laudem

Dómino annuntiántes.\* Allelúia, allelúia, allelúia. **f.** Reges Thar-sis et ínsulæ múnera ófferent, reges Arabum et Saba dona addú-cent. Allelúia, allelúia, allelúia.

**Lectio vij.**

**A**d roborándum ergo hanc fi-dem, quæ contra omnes pro-nuntiabátur erróres, ex magna gestum est divíni pietáte consílli, ut gens in longínqua Orientális plagæ régione consístens, quæ spectandórum síderum arte pollébat, signum nati púeri, qui supra omnem Israel esset regnatúrus, accíperet. Nova étenim cláritas apud Magos stellæ illustriór-is appáruit, et intuéntium ánimos ita admiratióne sui splendór-is implévit, ut nequáquam sibi créderent negligéndum, quod tanto nuntiabátur indício.

**B.** Magi vénient ab Oriénte Je-rosólymam quæréntes, et dicén-tes : Ubi est qui natus est, cuius stellam vídimus ? \* Et vénimus

adoráre Dóminum. **f.** Vídimus stellam ejus in Oriénte. Et vénimus adoráre Dóminum. Glória Patri, et Fílio, et Spirítui sancto. Et vénimus adoráre Dóminum.

**IN III. NOCTURNO.**

**Lectio sancti Evangélii secún-dum Lucam.**

**Lectio vij. Cap. 2. f.**

**C**um factus esset Jesus annórum duódecim ascendéntibus illis Jerosólymam secúndum consue-túdinem diéi festi, consummatís-que diébus, cum redírent, remán-sit puer Jesus in Jerúsalem. Et réliqua.

**Homilia S. Ambrósii Epíscopi.**

**Lib. 2. in cap. 2. Luc. in fine.**

**A** DUODECIMO anno, ut légitimus, A Doinínicæ súmitur disputa-tiónis exórdium. Hic enim præ-dicándæ fídei evangelizántium númerus debebátur. Nec otiose ímmemor suórum secúndum car-nem paréntum, qui secúndum carnem útique sapiéntia Dei im-

plebátor et grátia, post tríduum reperítur in templo : ut esset indício, quia post tríduum triumphális illíus passiónis, in sede cœlesti, et honóre divino, fídei nostræ se suscitátus offérret, qui mórtuus credebáatur.

**R.** Stella, quam víderant Magi in Oriénte, antecedébat eos, donec venírent ad locum ubi puer erat. \* Vidéntes autem eam, gavísi sunt gáudio magno. **y.** Et intrántes domum invenérunt púerum cum María matre ejus ; et procidéntes adoravérunt eum. Vidéntes autem eam, gavísi sunt gáudio magno.

### Lectio viij.

**Q**uid est quod me quærebátis ? Duæ sunt in Christo generátiones : una est patérna, matérna áltera. Patérna illa divínior : matérna vero, quæ in nostrum labórem usúmque descéndit. Et ídeo quæ supra natúram, supra ætátem, supra consuetúdinem fiunt,

non humánis assignánda virtútibus, sed divínis referénda sunt potestátibus. Alibi eum ad ministerium mater impéllit, hic mater argúitur, quia adhuc, quæ humána sunt, exigat. Sed cum hic duódecim describátur annórum, illic discípulos habére dicá-  
tur ; vides matrem didicisse a fílio, ne exigeret a validióre ministerium, quæ stupébat in junióre miráculum.

**R.** Vidéntes stellam Magi, gavísi sunt gáudio magno : \* Et intrántes domum, invenérunt púerum cum María matre ejus, et procidéntes adoravérunt eum. \* Et apértis thesáuris suis obtulé-  
runt ei múnera, aurum, thus, et myrrham. **y.** Stella, quam víde-  
rant Magi in Oriénte, antecedé-  
bat eos, usque dum véniens sta-  
ret supra ubi erat puer. Et intrá-  
ntes domum, invenérunt púerum  
cum María matre ejus, et procidéntes adoravérunt eum. Glória

Patri, et Fílio, et Spiritui sancto.  
Et apértais thesáuris suis obtulérunt ei múnera, aurum, thus,  
et myrrham.

## Lectio ix.

**E**t venit Názareth, et erat súbditus illis. Quid enim magíster virtútis, nisi officium pietatis impléret? Et mirámur, si Patri defert, qui súbditur Matri? Non útique infirmitatis, sed pietatis ista subjéctio est: attóllat licet sævis emissus látebris cóluber perfidiæ caput, et serpentinis évomat venéna pectóribus. Cum dicit se Fílius missum, majórem hæréticus appéllet Patrem, ut imperfécum Filium dicat, qui potest habére majórem: ut alienis auxíliis ásserat eum, qui mítitur, indigére. Numquid et humáno egébat auxílio, ut matérno servíret império?

Te Deum laudámus. 56.

AD LAUDES.  
Et per Horas, omnia ut in die Epiphaniæ. 59 præter sequentia.  
Capitulum. Rom. 12.

FRATRES, Obsecro vos per misericordiam Dei, ut exhibeátiis corpora vestra hóstiam vivéntem sanctam, Deo placéntem, rationabile obséquium vestrum.

## Hymnus.

**O** sola magnárum úrbium  
Major Bethlem, cui cónsigit  
Ducem salútis cœlitus  
Incorporátum gignere.  
**Q**uem stella, quæ solis rotam  
Vincit decore ac lúmine,  
Venisse terris nuntiat  
Cum carne terréstri Deum.  
**V**idére postquam illum Magi  
Eoa promunt múnera;  
Stratique votis ófferunt  
Thus, myrrham et aurum régium.  
**R**egem Deúmque annuntiant  
Thesáurus, et fragrans odor  
Thuris Sabæi, ac myrrheus  
Pulvis sepúlchrum prædocet.

**J**esu, tibi sit glória,  
Qui apparuísti géntibus,  
Cum Patre, et almo Spíritu  
In sempitérrna sæcula. Amen.

**F.** Adoráte Deum, allelúia. **R.**  
Omnes Angeli ejus, allelúia.

**A**d **Benedictus**, **Aña**. Remánsit  
puer Jesus in Jerúsalem, et non  
cognovérunt paréntes ejus existi-  
mántes illum esse in comitátu :  
et requirébant eum inter cogná-  
tos et notos.

**Orémus. Oratio.**

**V**ota, quæsumus, Dómine, sup-  
plicántis pópuli cœlesti pie-  
téte proséquere ; ut et quæ agén-  
da sunt, vídeant ; et ad implénda  
quæ víderint, convaléscant. Per  
Dóminum.

**Deinde fit commemoratio de**  
**Epiphania.**

**Aña.** Hódie cœlesti sponso jun-  
cta est Ecclésia, quóniam in Jordáne  
lavit Christus ejus crímina :  
currunt cum munéribus Magi ad  
regáles nuptias, et ex aqua facto

vino lætántur convívæ, allelúia.

**F.** Omnes de Saba vénient, al-  
lelúia. **R.** Aurum et thus deferé-  
tes, allelúia.

**Orémus. Oratio.**

**D**eus, qui hodiérrna die Unigéni-  
tum tuum génitus stella duce  
revelásti : concéde propítius, ut  
qui jam te ex fide cognóvimus,  
usque ad contemplándam spé-  
ciem tuæ celsitúdinis perducá-  
mur. Per eúmdem Dóminum.

**AD TERTIAM.**

**Aña.** Venit lumen tuum.

**Capitulum.** Fratres, Obsecro  
vos. **ut supra.** 197.

**R. br.** Reges Tharsis, et ínsulæ  
múnera ófferent. \* Allelúia, alle-  
lúia. Reges Tharsis et ínsulæ mún-  
era ófferent, allelúia, allelúia.

**F.** Reges Arabum et Saba dona  
addúcent. Allelúia, allelúia. Gló-  
ria Patri et Filio, et Spirítui san-  
cto. Reges Tharsis et ínsulæ mún-  
era ófferent, allelúia, allelúia.

**F.** Omnes de Saba vénient, al-

lelúia. **R.** Aurum et thus deferéntes, allelúia.

**Oratio.** Vota quæsumus, ut infra. 203.

### AD SEXTAM.

**Aña.** Apértis thesáuris suis.

**Capitulum.** Rom. 12.

**D**ico enim per grátiam quæ data est mihi, ómnibus qui sunt inter vos: Non plus sápere quam opórtet sápere, sed sápere ad sobrietátem.

**R.**, **br.** Omnes de Saba vénient.  
\* Allelúia, allelúia. Omnes de Saba vénient, allelúia, allelúia. **R.** Aurum et thus deferéntes. Allelúia, allelúia. Glória Patri, et Fílio, et Spirítui sancto. Omnes de Saba vénient, allelúia, allelúia.

**R.**. Adoráte Dóminum, allelúia.  
**R.**. In aula sancta ejus, allelúia.

**Oratio.** Vota quæsumus, ut infra. 203.

### AD NONAM.

**Aña.** Stella ista.

**Capitulum.** Rom. 12.

**S**ICUT enim in uno córpore multa membra habémus: ómnia autem membra non eúmdem ac-tum habent: ita multi unum cor-pus sumus in Christo, sínguli autem alter altérius membra, in Christo Jesu Dómino nostro.

**R.**, **br.** Adoráte Dóminum, \* Al-lelúia, allelúia. Adoráte Dómi-num, allelúia, allelúia. **v.** In au-la sancta ejus. Allelúia, allelúia. Glória Patri, et Fílio, et Spirítui sancto. Adoráte Dóminum, alle-lúia, allelúia.

**v.** Adoráte Deum, allelúia. **R.** Omnes Angeli ejus, allelúia.

**Oratio.** Vota quæsumus, ut infra. 203.

### AD VESPERAS.

**Antiphonæ et Psalmi ut in ij.**  
**Vesperis diei festi.** 116.

**Capitulum.** Rom. 12.

**F**RATRES, óbsecro vos per misericórdiam Dei, ut exhibeáatis

córpore vestra hóstiam vivéntem,  
sanctam, Deo placéntem, rationá-  
bile obséquium vestrum. **¶.** Deo  
grátias.

**Hymnus.**

**C**RUDELIS Heródes, Deum  
Regem veníre quid times ?  
Non éripit mortália,  
Qui regna dat cœlestia.  
**I**bant Magi, quam víderant,  
Stellam sequéntes præviam :  
Lumen requírunt lúmine :  
Deum faténtur múnere.  
**L**avácræ puri gúrgitis  
Cœlestis Agnus áttigit :  
Peccáta quæ non détulit,  
Nos abluéndo sústulit.  
**N**ovum genus poténtiæ :  
Aquæ rubéscunt hydriæ,  
Vinúmque jussa fündere,  
Mutávit unda originem.  
**J**esu, tibi sit glória,  
Qui apparuísti Géntibus,  
Cum Patre, et almo Spíritu,  
In sempitérana sæcula.  
Amen.

**V.** Reges Tharsis, et ínsulæ mún-  
era ófferent. **B.** Reges Arabum  
et Saba dona addúcent.

**Ad Magnificat, Aña.** Fili, quid  
fecísti nobis sic ? ego et pater  
tuus doléntes quærebámus te.  
Quid est quod me quærebá-  
tis ? nesciebátis quia in iis, quæ  
Patris mei sunt, opórtet me  
esse ?

**Orémus. Oratio.**

**V**OTA, quæsumus, Dómine, sup-  
plicántis pópuli cœlesti pie-  
tate proséquere ; ut et quæ agén-  
da sunt, vídeant ; et ad implénda  
quæ víderint, convaléscant. Per  
Dóminum.

**E**t fit commem. de Epiphania,  
**Aña.** Tribus miráculis ornátum  
diem sanctum cólimus : hódie  
stella Magos duxit ad præsé-  
pium : hódie vinum ex aqua fa-  
ctum est ad núptias : hódie in  
Jordáne a Joánne Christus bapti-  
zári voluit, ut salvaret nos, alle-  
lúia.

**V.** Omnes de Saba vénient, allelúia. **R.** Aurum et thus deferéntes, allelúia.

Orémus. **Oratio.**

**D**EUS, qui hodiérna die Unigéni-  
tum tuum Géntibus stella du-  
ce revelásti : concéde propítius ;  
ut qui jam te ex fide cognóvimus,  
usque ad contemplándam spéciem  
tuæ celsitúdinis perducámur. Per  
eúmdem Dóminum.

Si octava Epiphaniæ venerit  
in Dominica, nihil fit de Domini-  
ca in ipsa die octava, sed tantum  
in primis Vesperis diei octavæ fit  
commemoratio pro secundis Ve-  
sporis Dominicæ infra octavam,  
de qua celebratum est officium eo  
dic, **Antiphona.** Fili, quid fecísti  
nobis sic ? ut supra. **203.** **v.** Om-  
nes de Saba. Qui versus etiam di-  
citur, quando octava Epiphaniæ  
venerit in Feria secunda, pro  
commemoratione Dominicæ in  
j. Vesperis diei octavæ.

IN DIE OCTAVA EPIPHANIÆ.

Duplex.

In j. Vesperis omnia dicuntur  
sicut in j. Vesperis Epiphaniæ.  
excepta Oratione, quæ dicitur ut  
sequitur.

**Oratio.**

**D**EUS, cujus Unigéitus in sub-  
stántia nostræ carnis appá-  
ruit : præsta quæsumus ; ut per  
eum, quem símilem nobis foris  
agnóvimus, intus reformári me-  
reámur. Qui tecum vivit et re-  
gnat in unitáte Spíritus sancti  
Deus per ómnia sæcula sæculó-  
rum. **R.** Amen.

AD MATUTINUM.

Invitatorium, Hymnus, et Psal-  
mi, ut infra Octavam : cetera  
dicuntur sicut in die Epiphaniæ,  
præter Lectiones.

In primo Nocturno leguntur  
Lectiones de Epistola prima ad  
Corinthios, quæ occurrunt se-  
cundum superiorem rubricam.

## IN II. NOCTURNO.

Sermo S. Gregórii Nazianzéni.  
*Oratione in sancta lumina.*

## Lectio iv.

**N**ON possum cohibére lætitiae voluptátem, sed mente extóllo, et affício: et própriæ pusilitatis oblítus, offícium magni Joánnis, immo pótius famulátum subíre conténdo ac géstio: et licet non sim præcúrsor, de erémo tamen vénio. Christus ergo illumi-  
natur, immo pótius fulgóre suo nos illúminat: Christus baptizá-  
tur, simul et nos descendámus, ut cum ipso páriter ascendámus.

**R.** Illumináre, illumináre, Je-  
rúsalem, quia venit lux tua: \*  
Et glória Dómini super te orta  
est. ¶ Et ambulábunt gentes in  
lúmine tuo, et reges in splendó-  
re ortus tui. Et glória Dómini  
super te orta est.

## Lectio v.

**J**OANNES baptizat, et accédit Je-  
sus, sanctificans quidem et ip-

sum qui baptizat, præcipue ta-  
men ut et véterem Adam sepéliat  
in aquis, et ante ómnia, ut per  
hæc sanctificéntur aquæ Jordá-  
nis: ut sicut erat spíritus et ca-  
ro, ita et his, qui baptizándi erant  
in spíritu et aqua sanctificatió-  
nis succéssio traderétur. Non súscipit Baptista, conténdit Jesus.  
Ego, inquit, opus hábeo a te ba-  
ptizári. Lucérana dicit ad solem,  
et vox lóquitur ad verbum.

**R.** Omnes de Saba vénient,  
aurum et thus deferéntes, et lau-  
dem Dómino annuntiántes. \* Al-  
lelúa, allelúa, allelúa. ¶ Reges  
Tharsis et ínsulæ múnera óf-  
ferent, reges Arabum et Saba dona  
addúcent. Allelúa, allelúa, al-  
lelúa.

## Lectio vij.

**A**SCENDIT Jesus de aqua, secum  
quodámmodo demérsum edú-  
cens et élévans mundum: et vi-  
dit non dívidi cœlum, sed ape-  
ríri, quod sibi ac nobis post se